



Inatsisartunut ilaasortaq Sofia Geisler, Inuit Ataqtigiit
Inatsisartut Allattoqarfiat
-/maani

Sulisut taarsaannerat pillugu § 37 naapertorlugu apeqqu nr. 153_2019-imut akissut

Ulloq: 08-04-2019
Suliap normua.: 2017-3465

Asasara Sofia Geisler

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut suleriaasianni § 37 naapertorlugu qitiusumik allaffeqarfimmi sulisut taarsaattarnerat pillugu apeqquaqarputit. Apeqqutitit uannit akineqartussanngorlugit innersuunneqarput akissutillu matuma kinguliani allassimallutik:

1. Naalakkersuisoqarfiit qitiusumik allaffeqarfiini ukiuni 2014-miit maannamut agguaqatigiissillugu qanoq sivisutigisumik uku atorfeqartarpat:

- **Ilinniagartuutut atorfillit Danmarkimiit, Savalimmiuniit imaluunniit naalagaaffeqatigiinnerup avataaneersuniit?**
- **Ilinniagartuutut atorfillit Nunatsinneersut?**
- **Ilinniagartuujungitsutut atorfillit Danmarkimiit, Savalimmiuniit imaluunniit naalagaaffeqatigiinnerup avataaneersuniit?**
- **Ilinniagartuujungitsutut atorfillit Nunatsinneersut?**

Akissut:

Akissarsialerinermit atortorissaarummi inuit qanoq amerlatigisut isumaqatigiissutit assigiinngitsut naapertorlugit sulisorineqarumanerannik paasissutissat misissuinikkut pissarsiarineqarsinnaapput, akissarsialerinermmummi atortorissaarut sulisut suminnagaanersuunerannik immikkoortitsineq ajormat. Kisitsisini tulliuuttuni qaammammusialiinnaat takuneqarsinnaapput. Ilinniagartuut DJØF-imi ilaasortaausut, kigutigissaasuusut, ingenøriusut, magisteriusut, psykologiusut nakorsaasullu oqaatigigaanni, taava ukiuni 2014-2017 agguaqatigiissillugu:

- Ukioq kaajallallugu suliffiit 534-t
- Katillugit inuit 745-t sulisimapput
- Agguaqatigiissillugu atorfeqartarnerup sivisussusaata ukiut ingerlaneranni allanngunnginnissaa tunngavissaatillugu, ukiut 2,6 agguaqatigiissillugu suliffeqarneq sivisussuseqartarpoq.

Isumaqatigiissutit ilinniagartuunut tunnganngitsut qiviaraanni, taava kisitsisit imaapput (uanissaaq qaammammusiallit kisimik pineqarput, taamattaarlu ilinniartut ilaatinneqanngillat):

- Ukioq kaajallallugu suliffiit 1591-t
- Katillugit inuit 2123-it atorfeqarsimapput
- Aggvaqatigiissillugu atorfeqartarnerup sivilissusaata ukiut ingerlaneranni allanngunninnissaa tunngavissaatillugu, ukiut 3,1 aggvaqatigiissillugu suliffeqarneq sivilissuseqartarpoq.

Erseqqissuutitsinissaq pillugu kisitsit inuit attuumassuteqartut sunik isumaqatigiissuteqarneranneersuupput, taamaalillunilu sumik ilinniagaqarnerannut toqqaannartumik tunnganatik. Kukkunerilli annikitsuinnaassangatinneqarput, isumaqatigiissutimmi nalinginnaasumik ilinniakkamut takutitsisuusarmata.

2. Naalakkersuisoqarfiit qitiusumik allaffeqarfiini atorfillit soraarnerannut atatillugu pisattanik nuussinermut angalanermullu ukiuni 2014-miit maannamut Namminersorlutik Oqartussat qanoq aningaasartuuteqartigippat?

Akissut:

Pisattanik nuussinernut aningaasartuutit tamarmiusut kontomi ataatsimi nalunaarsorneqartarput, tamatumani apeqqutaatinneqarnani suliartorluni angalanerunersoq, suliunnaarluni angalanerunersoq imaluunniit allamut tunngatillugu pisattanik nuussinernunersoq Namminersorlutik Oqartussanit akilerneqartoq.

Qitiusumik allaffeqarfimmi 2014-imit 2018-imut sulisut atorfinikkiartornerannut soraarnerannullu atatillugu *pisattat nuunnerannut* aningaasartuutit naatsorsorneqartut tamarmiusut imaapput:

2014	2.748.000
2015	2.758.000
2016	3.218.000
2017	3.440.000
2018	4.288.000

Qitiusumik allaffeqarfimmi 2014-imit 2018-imut *atorfinikkiartorluni aammalu soraarluni angalanernut* aningaasartuutit naatsorsorneqartut tamarmiusut matuma kinguliani allassimapput:

Atorfinikkiartorluni soraarlunilu Danmarkip Kalaallit Nunaatalu akornanni angalanerit:

2014	508.000
2015	529.000
2016	698.000
2017	659.000
2018	526.000

Atorfinikkiartorluni soraarlunilu Kalaallit Nunaanni angalanerit:

2014	143.000
2015	144.000
2016	228.000

2017	257.000
2018	354.000

Aningaasaqarnermut paasissutissat aallaavigalugit ataatsimoortunit aningaasartuutit qanoq annertutigisut pequttanik nuussinernut, taamaallaat suliuinnaarnerni angalanernut tunngasunut attuumanerat imaasiallaannarlugu aalajangeruminaappoq, atorfininnermili suliuinnaarnermilu angalanernut aningaasartuutit nalunaarsukkani taakkunani amerlaqqatigiikannersut ilimagisariaqarpoq.

3. Namminersorlutik Oqartussat ukiuni 2014-miit maannamut sulisussarsiornermut atatillugu allagartaliinermut, atorfinitsitsinermi oqaloqateqarnermut kiisalu pisattanik nuussinermut atorfinitsitaanermilu angalanernut qanoq aningaasartuuteqartigaat?

Akissut:

2018-imi ukiup affaani siullermi sulisussarsioriaatsip nutaap atuutilernissaata tungaanut suliaasaqarfimmi kontolersuineq assigiinngiaarsimammat sulisussarsiortarnermut aningaasartuutit kisitsisitaat nalorninartortaqrput.

Taamaakkaluartoq piffissami taaneqartumi atorfinnut inuttassarsiorneqartunut aningaasartuutit nalunaarsorneqartut imaapput:

2014	1.721.000
2015	2.058.000
2016	2.093.000
2017	1.975.000
2018	1.806.000

Tamatuma saniatigut apeqqut 2-mut akissut innersuussutigineqarpoq. Atorfinitsitsinissaq siunertarlugu oqaloqatigiinnernut aningaasartuutit naatsorsorneqariaannaanngillat.

Apeqqutigineqartumut allanik oqaaseqaatissaqanngilanga.

4. Ukiuni 2014-miit maannamut agguaqatigiissillugu piffissaq qanoq siviutisarpa Naalakkersuisoqarfiit qitiusumik allaffeqarfiini atorfiup inuttaarunneraniit inuttaqaleqqinnissaanut?

Akissut:

Qitiusumik allaffissuarmi immikkoortut atorfinnik inuttaleqqitassanik inuttassarsiuitillugit, pissutsit assigiinngitsut arlallit isummerfigineqartussaasarput.

Amerlanertigut assersuutigalugu aasaanerani juullimilu sulinngiffeqarnerit nalaanni atorfinnik inuttassarsiuinaveersaartoqartarpoq, misilittakkammi naapertorlugit qinnuteqarsinnaasut ikittuinnaat sulinngiffeqarnerit nalaanni atorfinnik inuttassarsiukkanik atuartarput. Atorfiit ilaannut tunngatillugu upernaakkut ukiakkullu semesterit naaggataani ilinniarfiit aalajangersimasumik misilitsinnernik ingerlatsiffiat utaqqissallugu pissusissamisoorsinnaavoq. Tamatuma saniatigut inuttassarsiuusseqqinnerit immikkoortup atorfinitsitsisussap sulisunut inissaqalernissaanut utaqqissallugu pissusissamisoorsinnaasarpoq. Atorfik ukiup

naalernerani inuttaarukkaangat, immikkoortup atorfinitsitsisussap pisut ilaanni missingersuutiniq patsiseqartumik atorfiup inuttassarsiornissaa ukiup tullianut kinguartissallugu toqqarsinnaasarpaa. Naggataagullu pisut ilaanni immikkoortut aningaasarsiassanut atortussaajunnaartut siunertanut allanut, immikkoortut isumagisassaasa iluanniittunut atornissaat siunertaralugu, atorfinnik inuttaqanngitsunik inuttassarsiuussinnginnissaq toqqarsinnaasarpaat.

Taamaalilluni atorfiup inuttaarunnerata nalaani atorfik sunaluunniit ingerlaannarlugu inuttassarsiuunneqarneq ajorpoq, tamannalu pillugu aalajangerneq immikkoortuni ataasiakkaani pisortamit sulisunut akisussaasumit, ulluinnarni aqutsinermik nalinginnaasumik ingerlatsinerup ilaatut aalajangiivigineqartarpoq.

Tamatuma saniatigut apeqqummut 1-mut akissut innersuussutigineqarpoq.

Inussiarnersumik inuulluaqqusillunga


Vittus Qujaukitsoq